



Dioplóma sa Chultúr Dúchais

An bhfuil spéis agat i do Chultúr Dúchais?

Ar mhaith leat tabhairt faoi chúrsa ollscoile sa chultúr dúchais agus deis agat é a dhéanamh i d'am féin? Seo do sheans!

Cur síos ar an gcúrsa

Tá an cúrsa seo dírithe ar dhaoine a bhfuil spéis acu i gcultúr dúchais agus i mbéaloideas na hÉireann. Is é aidhm an chúrsa eolas a roinnt le rannpháirtithe le go bhfaighidh siad léargas ar shaibhreas an chultúir sin. Gheobhaidh rannpháirtithe léargas freisin ar acmhainní agus ar shaothair a bhaineann leis an gcultúr dúchais, agus gheobhaidh siad deis forbairt phearsanta a dhéanamh agus cur lena gcáilíochtaí oideachais.

Cuirfear an cúrsa ar fáil ar an Idirlíon (cianfhoghlaim) den chuid is mó, ar bhealach a thabharfaidh deis do rannpháirtithe tabhairt faoi ina n-am féin. Cé go bhfuil an cúrsa seo dírithe ar gach duine a bhfuil spéis acu san ábhar, bhainfeadh daoine atá ag obair nó ar mhaith leo oibriú i réimsí áirithe tairbhe as freisin, mar shampla:

- Turasóireacht chultúrtha / forbairt pobail
- Na hEalaíona cruthaitheacha
- Múinteoireacht

Tréimhse an chúrsa

Is cúrsa páirtaimseartha thar dhá bhliain ollscoile é seo (Meán Fómhair go hAibreán an dá bhliain). Le deis a thabhairt do dhaoine ar fud na tíre tabhairt faoin gcúrsa agus an tairbhe is fearr a bhaint as, bainfear úsáid as an gcianfhoghlaim agus as ionaid Ghaeltachta na hOllscoile chun an cúrsa a sheachadadh. Beidh formhór an chúrsa á theagasc ar an Idirlíon ach tiocfaidh rannpháirtithe le chéile trí huair sa bhliain ar Champas na hOllscoile agus sna hionaid Ghaeltachta i gcomhair ceardlanna / léachtaí traidisiúnta.

Beidh seisiún fáiltithe agus cláraithe do mhic léinn an chúrsa ar siúl i nGaillimh i mí Mheán Fómhair 2018. Cuirfear sceideal an chúrsa ar fáil ag tús an chúrsa.





Bliain 1

Cúlra & Comhthéacs an Bhéaloidis

Léann an Bhéaloidis in Éirinn agus gnéithe éagsúla den chultúr dúchais

Gnéithe de na hEalaíona Dúchais

Amhránaíocht, ceol agus damhsa traidisiúnta

Deasghnátha agus Nósmhaireacht Thraidisiúnta

Tuiscintí agus nósanna traidisiúnta a bhaineann le breith agus le bás; féilte na bliana; leigheas traidisiúnta

Bliain 2

An tOsnádúr sa Bhéaloideas

Tuiscintí dúchasacha faoin 'saol eile' sa bhéaloideas agus a dtábhacht sa phobal traidisiúnta

An Cultúr Ábhartha

Bealaí maireachtála agus ceirdeanna traidisiúnta

Aicmí na nAmhrán

Na cineálacha difriúla amhrán traidisiúnta; tréithe, stíleanna agus téamaí na n-amhrán

Cáilíocht

Dioplóma de chuid Ollscoil na hÉireann, Gaillimh é seo atá ag Leibhéal 7 den Chreatlach Náisiúnta Cáilíochtaí agus tá 30 ECTS luaite leis. Sa chás nach gcríochnóidh an rannpháirtí ach Bliain 1, is féidir Teastas sa Chultúr Dúchais a bhronnadh air/uirthi ach an caighdeán cuí a bhaint amach i measúnuithe na bliana sin.

Riachtanais iontrála

Fáilteofar roimh iarratais ó dhaoine a bhfuil caighdeán sásúil Gaeilge acu agus spéis acu sa chultúr dúchais. De bharr go mbeidh cuid mhór den chúrsa á cur ar fáil trí chianfhoghlaim ar an Idirlíon, ní mór go mbeadh ríomhaire agus ceangal leathanbhanda ag rannpháirtithe.

Táille agus iarratais

Tá gach eolas faoi tháille an chúrsa le fáil ó Dhónal Ó Droighneáin, ag an uimhir fóin / seoladh ríomhphoist thíos. Is féidir iarratas a dhéanamh ar áit ar an gcúrsa trí chliceáil ar an nasc atá ag bun an leathanaigh seo. Is é an spriocdháta d'iarratais Dé Céadaoin, an 15 Lúnasa 2018.

"Ba phléisiúr agus ba shásamh mór dom an Dioplóma sa Chultúr Dúchais a dhéanamh. Bhí saibhreas ár gcultúir dúchais, an amhránaíocht, an ceol agus an béaloideas, curtha inár láthair i mbealach ábhartha dúinn trí léachtaí, físeáin, agus taifeadtaí iontacha spéisiúla ar líne. Chomh maith leis sin bhí ceardlanna 'beo' i gConamara agus bhí an-spreagadh ag baint leo. Bhí caighdeán agus fairsinge an eolais a bhí ar fáil thar barr agus bhí an fhoireann teagaisc an-chuidiúil go deo. Is tumadh iomlán é seo sa chultúr dúchais agus beidh iontas an tsaoil ort an bród a mhothóidh tú as ár n-oidhreacht ársa luachmhar!"

Dáiríne Ní Mheadhra,
(Corcaigh & Ceanada), iarfhoghlaiméoir.

Tuilleadh eolais:

Dónal Ó Droighneáin
Acadamh na hOllscolaíochta Gaeilge
OÉ Gaillimh, Carna, Co. na Gaillimhe.
t: 091-494629
r: donal.odroighneain@oegaillimh.ie

Micheál Ó Domhnaill
Acadamh na hOllscolaíochta Gaeilge
OÉ Gaillimh, Gaoth Dobhair,
Co. Dhún na nGall.
t: 091-494662
r: modomhnaill@oegaillimh.ie

Odharnait Ní Chéilleachair
Acadamh na hOllscolaíochta Gaeilge
OÉ Gaillimh,
Campas na hOllscoile, Gaillimh.
t: 091-495449
r: odi.nicheilleachair@oegaillimh.ie